

沅  
湘  
耆  
舊  
集

沅湘耆舊集卷第七十七

新化鄧顯鶴湘臯編輯

長沙毛國翰青垣校訂

劉永昌樵 一首

樵字柯臣武陵人雍正改元舉孝廉方正歷官永  
昌知府有滄山詩集

和翼爲兄見寄原韻

此身常在白雲閒萬壑千巖未厭攀古本無名當博考奇  
蹤寄興每忘還時方有道慙無用天便幽人故與閑莫爲  
東山愁不出多時拄頰對孱顏

黃舉人文憲 一首

文憲字千頃善化人雍正癸卯舉人

懷嶽施

晴雲遙白嶽峯來相對幽懷鬱未開講院荒殘依鶴鵲  
宮寥寂鎖莓苔煙霞久結登高約風雨難逢濟勝才寄語  
山林休傲客等閒應許一追陪

黃棗陽文瑗

一首

文瑗字又遷巴陵人實庵侍御秀之子雍正癸卯  
舉人官棗陽知縣

秋曉遊天壺寺

杖策尋幽興未闌更逢佳處一盤桓峯顛亭影浮松翠天  
半泉聲漱石寒鳥道連盤人影細山光秋放海雲寬老僧

知我塵心靜笑指花開共倚欄

鄧建寧堅 二首

堅字右徐一字介夫巴陵人雍正癸卯舉人以從  
征九股苗功授建寧知縣罷官後卜居大雲山麓  
以吟詠自娛有大雲山房集其山麓晚眺詩有斜  
陽纔去紅畱樹好月初生白到樓之句爲時所稱  
集未見僅存近體二首

遊浣花溪謁工部草堂

蔓草荒荒古道傍尙餘野鳥說興亡江山依舊連巫峽花  
木何時寄草堂閑處行廚隨使節異時別殿哭先皇平生  
涕淚還詩史好認華陽卽耒陽

上大雲山

幽棲十載足雲煙重訪人閒古洞天  
驢背晴光眞浩浩楓林秋色倍娟娟  
浮生空惜風塵老末路難忘山水緣  
濟勝於今猶有具解鞍沿澗踏峯顛

龔武舉明遠

二首

明遠字澹子芷江人雍正癸卯武舉有蔭嘉圃小  
稿澹子少好讀書以用世自期許旣登武舉著籍  
伍中非其志也旋被齟齬歸刻意爲詩卜城北數  
弓地雜蒔花藥以自適帥府聞其名屢召之不往  
雨後登景星寺

雨後峯峯列畫屏四圍佳氣點螺青山銜斜照窺秋寺花

送漁船過別汀莫惜孤筇登峭壁可憐戎馬過郊坰老僧  
久卓東林錫白社招看種樹經

按雍正十三年九股苗亂調楚粵官軍往勦沅當  
其衝官兵往來駐劄供億甚繁此詩當作於此時  
故有戎馬過郊坰之句

書所見

芳菲已過豔陽天春盡江南罷管絃當日舞腰成瘦損東  
風無力送鞦韆

李廣豐繼聖十六首

繼聖字希天一字振南常寧人雍正中辰舉人官  
廣豐知縣有尋古齋詩集八卷續集一卷振南家  
常寧之洋泉市居宅宏敞堅固中有樓藏書甚富

且多宋刻善本其孫岳泉秀才文昊世守之道光  
壬辰江華猖匪趙金隴稱逆官兵威之金隴據其  
宅死守以抗大軍官兵四面火攻久乃得破藏書  
盡燬亦一切也振南詩才甚富近體尤有氣力雖  
雕琢太過亦豪贍出羣今擇其渾雅者存之詩選  
云振南好古成癖無奇弗搜每下筆光怪陸離雄  
偉峭折簿書鞅掌之餘搜書發篋丹黃無閒晷日  
新製盈把嘗登大行踰函谷泛楊子西湖觀潮海  
上教授河洛齊魯間所在與名流會集走筆章成

送聶環溪歸衡山

行李殘書重擔歸望日亭秋雲雙眼白喬嶽一  
鎧青薤葉  
摩蚪蚪松根結茯苓藏修知有待三復古盤銘

黃州

載得殘編憶山遊一帆風雨下黃州綠楊橋暗鵲唳曉赤  
壁山空鶴唳秋風景能豪詞賦興江聲不斷古今愁流連  
眼底分明處寂寞無人倚竹樓

偶題

仙翁箕踞白雲深尺幅蒼茫幾萬尋雷電不驚閒臥眼江  
河難洩靜藏心邨筒酒貯青蓮少函谷經無紫氣沈應許  
疏狂圖小字爲扶藤杖伴登臨

次黃玉亭立秋原韻兼答鄧百徐見示和章

頻歲崎嶇事遠遊終軍壯志竟難酬漸欺短髮繁霜重獨  
覺飛蓬滿地愁北塞信忙鴻雁日西風香烈藥蘭秋許多  
佳日都虛過乞巧終嫌柳柳州



何事淹留傍國門  
文君早謝茂陵園  
悲當感氣難爲賦  
別已銷魂不可言  
寂寂碧梧飄一葉  
悠悠明月上層軒  
自知羈塊澆難散  
對客徒空北海樽

都門秋日雜興

未見天河落曉霜  
一痕秋氣認微茫  
蓬萊闕敞三山島  
芳草煙銷萬柳堂  
早補敝裘聽雁唳  
誰磨短劒發龍光  
天心未必無消息  
白首沈淪漢署郎

憔悴恢胎令已頒  
化機亭毒片時閑  
洞庭夜脫蟬哀曲  
山海雲開雁度關  
明月低頭空自語  
秋風起處看人還  
潘郎華首猶多嘔  
展轉詩情輦洛閒

豆綠瓜黃想華門  
浮生苦夢易朝昏  
菊花暗襯金臺色  
蟋

時寒催玉女魂入萬戶中修月淨五千里外傍雲屯未聞  
作賦添遊興赤壁長江水落痕

少陵無賴怨彫傷瑤圃何從玉樹黃一嶽擎雲高北極三  
關擁水下東洋池魚冷護芙蓉帳塞馬肥驕苜蓿香縱是  
荒涼還顧影殘編充腹暴秋陽

皺瘦蒼顏仗酒醺南音偏是楚狂多芳洲杜若風難問暮  
雨湘靈瑟柰何寒外鐙花雙影簇空中雲彩一痕波繞牀  
起舞聞雞後盡束毛錐當枕戈

鴉鵲巢新辦槁枝無端長路費奔馳駸痕白獺難敲髓浮  
影青蟲不挂絲自有暑寒皆作客誰言水火是相知腳根  
欲穩憑何物早枉天空海濶時

送姪啟晨之浙江

鼓棹浪迎魚。踴躍沿堤歌。送鳥慙勸代。予重問西湖月。望爾遙開東海雲。天目并華還自照。潮頭雷浪共誰聞。想將好筆題處。吟到吳山酒半醺。

無題二首


曉去輪稀正寂寥。城頭鼓角逼清宵。紅鐙繡榻鴟雞綬。綠鬢香雲翡翠翹。愛殺秋羅裁玉翦。依然春酒侍金貂。一聲漏盡鐘鳴後。北斗闌干影動搖。

茫茫白帝轉鴻鑪。只許攜錢問酒徒。燕子無家歸帶月。鮫人有淚灑成珠。陽臺夢覺山空冷。秋水情懸荻盡枯。如此光陰彈指過。阿誰車馬勝惺惺。

沙磧年年發煥枝飄搖也耐勁風吹塚憐芳草青相映山  
愛胭脂絲共垂陰雨欲眠非漢苑陽關不隔是春時蒼涼  
日暮簫聲動幾村含愁夜欲離

絲遶長隄綠覆空柔條夾帶野花紅玉關招怨曾吹笛板  
渚連陰欲舞風青雀帆牽斜岸外白駒鞭指夕陽中河梁  
低拂聽吟別一水盈盈煙霧籠

晏舉人嗣獻一首

嗣獻字  新化人雍正丙午舉人與從兄定甫  
嗣濟齊名定甫康熙癸巳舉人

周郡守壽詩

昭陵古郡控百蠻資仰之水聲潺湲雄封版籍彈丸耳我

公坐鎖於其閒窮年撫字心良苦拔薤區憇亦膏雨父老  
感泣扶杖觀惟言政難更僕數鱗生有幸託門牆如疾待  
硬災待禳烏私欲答無從發日望丹書出建章弧南忽有  
光芒聚依稀曲奏鶴飛度躋堂隨衆奉一觴願公第祿祿  
千祚

李舉人杜一首

杜字百詩邴人雍正丙午舉人

梅亭

自注在梅嶺西距城十里四面皆梅

北涉蒸流纔十里一亭如笠寄梅林何人得試調羹手此  
地聊抒解渴心香滿三冬林下雪人參六月道中陰能消  
一路炎涼憾祇樹何勞徧地金

李上猶都藩二首

都藩字先价益陽人雍正丙午舉人江西上猶知縣改官新化教諭性方正工書法

繡帕詞

有序

李玉蓉新化上渡村人工吟詠適吳氏三年而寡玉蓉終喪三年從容賦絕命詞而死每誦其一笑尋夫去之句而悲之跡其平時嘗繡吳門李氏於帕死則佩之因爲之作繡帕詞

誰言妾是未亡人夫死無子空青春誰言妾身只一死死  
去尋夫事乃已三年泣血伴烏鴉一朝含笑果幽期原野  
風蕭蕭松柏冢纍纍孤墳何寂寞生言與妾同壙篋良人

尚有妻莫言天道全無知梅之山兮資之水生生死死吳門李所不如繡帕者有如此

風井次楊伏圖孝廉韻

但逢江海卽生瀾虛牝惟存石色寒深不及泉非漏甕高  
能撇漢劇飛彈入松便作笙簧韻出井甯爲燕雀搏好向  
龍宮催雨具吹來一滴下雲鞍

楊舉人振鐸一首

振鐸字木天新化人雍正己酉舉人是科解額吾  
邑凡三人一爲楊玉似庶常琨一爲杜去貪學正  
要皆一時名宿無詩可採今只存木翁近體一首

李玉蓉挽詞

傳記含懷去題詩大笑來麻衣解蕙帳繡帕赴泉臺同穴  
當時語孤墳過客哀餘芳畱邑乘幽魄更顏開

李浦城藩一首

藩字賜侯瀏陽人雍正己酉舉人官福建長江縣  
知縣調浦城浦故真西山所籍也詳請西山祀典  
建夢筆山六君子祠方志載其蒞任告城隍文以  
古廉吏自誓蓋吏而儒者也詩不多見

和觀察陳公雨中至木城關

潼關天設險所以固此都巡行爲封疆遑自憚崎嶇櫛風  
沐甚雨躑躅疲泥塗不省王事勞乃託山水娛迢迢木城  
關遠在西北隅絕逕輿以入勝景延襟裾豈無佳邱壑委



棄成荒蕪得邀屐齒過聿轉新扶輿書來枉嘉藻古澹味  
含腴自慚日鞅掌足未涉其區雖誦至再三塵容爲之祛  
回頭望故山我懷方鬱紆

韓大使价二首

价字維藩一字退庵沅陵人雍正壬子舉人官浙

江鹽大使

對洪山獨酌

悠悠復悠悠此身渺何有嘯傲在羲皇且進杯中酒舉頭  
望南山沈酒滿其首快心無豪髮失意常八九我逕未荒  
蕪我因在商畝世事渾如此尊樽與瓦缶人生不百年曷  
戀彼五斗歸去望吾鹽蕭蕭門前柳

春日歸白界亭

道路艱辛只自憐，一鞭險絕入雲巔。  
平看樹杪分朝旭，俯視村墟破曉煙。  
鳥啁啾疑喚客，流泉鳴咽似揮絃。  
東風不解人惆悵，又逐楊花到馬前。

何大埔洞一首

洞字咫尺齊桂陽，州人雍正壬子舉人官沅江寧鄉。  
教諭截取廣東大埔知縣歸後築萬松窩以終有。

石林詩草

觀龍渡洲晴雲

昔年龍已渡，長空賸有晴雲繞。壑中往往修髮如美女，時時布席亂征鴻。  
收錢乍擬峯巒淨，膚寸旋瞻山頂蒙。知是

神靈善變化石梁三候應難窮

陳天台燐

五首

燐字蔚文桃源人雍正壬子舉人以明通榜官邵陽教諭截取天台知縣有石圃詩集

同謝屐山胡岷嶠東山夜坐

身世渾無著山城煙海深河明星皎皎野濶月沈沈夜氣涵羣動鐘聲養道心天人同一悟風露咽蟬琴

遺愛祠同向參軍夜話

炎炎時事沸如湯坐人談深肝肺涼儉可養廉還惜福貧原非病只多狂一年最好三秋月底事難消兩鬢霜寥落西湖蓮社願秋風愁看燭蛾忙

中秋謝坐坐何又韓東山待月

閒雲幾點蔚藍斑野鳥孤飛倦欲還勝友喜逢何水部高  
情眞壓謝東山縱無明月猶能醉別有秋心不可刪寄語  
蟾娥休太妬莫教人事怨天慳

始入天台

似共仙家別有因一琴一鶴又隨身兒童不必驚相問原  
是桃源舊主人

宿天台桐柏宮

鶴背吹笙記未眞翛然夢覺海飛塵半生三住桃源洞或  
恐神仙是故人

雷舉人鳴煥

一首

鳴煥字有章號西村新埠人雍正壬子舉人

南城

寄迹南城外偕來有老妻可憐秋後燕梁上一雙棲

彭教諭騰鴻一首

騰鴻字來賓靖州人雍正壬子舉人安化教諭

白鶴舊址

昔人曾此闢荒萊絕緒微言手自栽一夕講堂歸白鶴至  
今遺碣老蒼苔清風白弄簫疏竹明月空懸落窠臺未信  
風流眞坎絕斯文還望起衰來

石華亭鵬翥二首

鵬翥字北起湘潭人雍正壬子舉人由明通官武

陵教諭遷甘肅華亭知縣北起性廉介居官有政  
聲在武陵時有監生某甲虎而冠者也奪某生道  
北起白於府禽治之甲懼夜以白金進大怒擲之  
卒論如法武陵隄工久弗成大府知其才屬督修  
不踰年工竣且固在武陵十二年去之日生徒哭  
失聲遷華亭值西域用兵徵需繁劇總督黃廷桂  
性嚴厲僚屬動遭呵斥北起籌畫有方絲豪不以  
累民獨被嘉獎病歸以弟鴻壽官刑部封如其階  
乾隆壬子重宴鹿鴈詩不多見僅得其近體詩四  
首

偶吟

此身成落葉蕭颯對園林天與寒花澹秋從去雁深有人  
開綠野話我入青岑就裏泠泠意因風乍滌襟  
小山仙桂在日事幾摩娑樹發奇香晚人分古豔多高吟  
凌碧漢俯睇佳幽妙擬欲移根去天邊露若何

一疊前韻

舊雨感良鴛高軒駐此林市鬪煙寺隔懷抱酒杯深寒日  
沈歆閣倦雲歸故岑魯陽悵已邈不盡寫虛襟  
關門高鎖處挂影坐婆娑擁卷探珠盡裁詩入畫多古芬  
三徑菊幽意一窗莎望切東山者其如謝傳何

方兵備桂

二首

桂字友蘭巴陵人雍正壬子舉人由軍功授英德

知縣遷昆陽知州擢臨安知府再補鞏昌調蘭州  
升寧紹台兵備道兼管海關以估勘定海營年滿  
戰船被議謫戍伊犁戍滿歸卒於家兵備爲廣西  
巡撫顯周謨之子隨父効力苗疆積功得官性忼  
直善聽斷長於摘伏其調蘭州也鞏昌慶陽平涼  
俱災請振未至因截畱部撥過境城工銀三十萬  
兩先行散給或難之兵備曰城工與饑民孰急專  
擅之咎請獨任之卒如其議民困以甦其後被議  
獲譴亦以耿直爲忌者所中非其罪也巴陵方氏  
自明代按察公必壽布政公廷玉簡肅公鈍仍世  
通顯至 本朝周謨中丞以貢生起家由湘鄉教



諭存升至四川巡撫調撫廣西爲雍乾朝名臣其  
諭降九股苗守台拱新城要地至六十九日之久  
糧盡宰馬食士以待援復乘勢攻洗番招大小台  
雄各砦及處置金川雜谷等土司厥功尤偉惜無  
詩可採兵備詩亦僅二首蓋所重不在此也

題畫二首

嵐翠凝煙溼松風入袖涼斷橋西去路多是白雲鄉

一帶疏林遶碧溪小橋流水路東西輕舟盪入煙深處隔  
岸茅廬望欲低

徐大使世佐 三十二首

世佐字輔卿號石亭湘陰人雍正乙卯舉人官天

津鹽大使以事謫戍伊犁晚放歸自號遁翁乾隆  
乙卯重赴鹿鳴已見資江耆舊集大使在塞垣日  
阿文成公時爲伊犁將軍嘗題主桐華書院余見  
其所作古文甚有義法詩不多見前集止存近體  
數首比復得其古今體詩數百首五言如老樹愁  
空壘寒鴉語夕陽一鷺看魚躍雙鶯挾燕飛大江  
流夜月孤壘落秋雲雪衝馳背斷雲送馬蹏飛七  
言如峯頭石瘦乍猿臥洞口松高白鶴歸洛浦雲  
生伊闕冷淇園雨溼孟門秋三月風雲連鹿角一  
天雷雨下雞心人行細雨毛萸宅雁叫西風漢武  
臺絳水雲來三晉黑蒲關日落二陵黃飛鳥自衝

雲夢去夕陽無柰洞庭何語多名雋古體奔放有  
奇氣或拉雜不自休今仍擇其近體之雅飭者存  
之亦足以知大使矣

登流河驛亭

敢衝京兆馬獨上子雲牀疾病思前日乾坤落異鄉晴煙  
三島碧秋草九河黃歲落成今古孤亭起夜涼

滄州

離魂將病骨萬里到滄州醉後無青眼春來只白頭雞鳴  
三島月雁到九江秋草樹迷晴望乾坤入客愁

夜入戴經寺

月出山銜火風生樹作濤一筇樵徑窄半榻寺門高蜃市

情原幻。龜牀夢不勞。此閒秋夜永。選佛豈銓曹。

上青山曉起至黃緒潭放舟

曉起如尋夢。秋光解滌煩。明霞舒錦重。皓露綴珠繁。山靜黃鸝坐。江空白鷺翻。盪舟何處去。前路有桃源。

寒雁時讀雅雨山人入塞別孔竹廬劉朗陵詩作

不見燕支山。蕭蕭大漠閒。黃沙天半墮。白首客仍還。暮雨飛狐塞。秋風倒馬關。雁行吹不斷。一字向南彎。

桃花寺

仙磴空中起。禪門靜處開。樓臺看宇宙。鐘磬倚雲雷。鳥語將何往。花香每自來。老僧對麋鹿。忘卻白檀灰。

夢山中

夜涼生遠夢卻在武陵西石磴山腰冷松陰洞口迷新花  
含露笑老竹臥煙嘯何處人家近吹簫渡綠谿

丙子暮春直沽舊寓獨酌憶昆甫齊年時死二載矣  
縱飲猶三月回頭又七年地分禪榻穩天抱酒杯圓細雨  
羅洋墓罷風渤海船此生容易盡但醉不須憐

途中

疾病餘生在關山舊日晴一樽猶墮淚萬里且孤行遠樹  
高雞泊疏鐘夾馬營夜涼人語寂孤劍尙悲鳴

送夏太史之長沙

八月秋風滿長江一葉舟地從巴蜀裂天入洞庭流草樹  
靈均賦禽魚賈傅愁他鄉重回首臨廣惜靈修

寄居

寄居猶偃蹇空館漫沈吟  
范令貧無飯嵇生死愛琴  
月明哀雁叫秋老病蟬瘖  
昨日芙蓉樹南來一片心

侯大之中牟

汝去中牟縣秋風正寂寥  
夢聞鸚鵡谷人在駱駝橋  
嶽色悲遊子江聲怨大招  
明年春草長爲報海門潮

海門

寂寞無尊酒遲回渡海門  
風沙迷極浦雲樹隱孤村  
痛哭虞翻傳招攜杜甫魂  
哀笳何處發前路易黃昏

過潞州

豁安天下脊山色羅清輝  
落日五州淨雄關匹馬飛  
武安

饒戰略昭義盛軍威下馬尋遺跡長亭白骨稀

海上吟

去去吾將老西風萬里長一尊滄海月三尺島門霜龍蹠  
爭棲息鮫珠竟杳茫何來釣鼉客飄泊入重洋

不惜

不惜身將老偏宜骨可焚我生爲最苦天遠若無聞短樹  
棲殘照空山走亂雲阿誰將鄙事笑語只紛紛

贈黃植中

昔別輕千里狂歌動六州蠻煙珠樹暗隴水玉關流坐見  
文邦國行隨定遠侯暮年歸尙緩吹笛雁橫秋

自望仙亭度松花嶺至石門寺

病起春寒未放晴卻尋詩料出層城芳藤細抱新松長嫩  
蘚寒依瘦石生水外風來移宿鷺山邊露重落嘒鷺再登  
樵徑聞清梵夜繞僧廬到四更

登鐵爐峯入清風寺

插空屏障定誰遮亂齧殘春屐齒斜青石路窮無客館綠  
松門入有僧家緩攀涇立窺新果蝶抱香眠惜落花老我  
巖官何物似眼前一片碧潭霞

登法雲峯

勝日低窺復仰攀犬牙層抱綠如環東坡石氣橫西圃南  
澗泉聲入北山道士獨穿深樹去仙人只在好花閒苔茵  
石榻分餘照臥對清猿夢亦閑



沿畫溪過界頭嶺

澹蕩晴光旖旎春綠苔蒼蘚不生塵煙絲柳樹誰牽汝雪  
片梨花亂打人坳路深山幽瑟瑟平沙淺水細鱗鱗年來  
飽飯無他事病鶴窮猿共此身

行役

離離衰草怨王孫小市平橋第幾番斜日作風吹汴水斷  
雲攜雨過夷門眉閒似染新愁壘手上空餘舊墨痕天遠  
不知秋意瘦風流故作柳花魂

答魯朋

地角天涯足客居白蘋紅蓼各蕭疏不妨老病猶看劍未  
識窮愁便著書寒日照人閒蟋蟀大風吹我愧鷄鵠馬卿

牆壁今猶在零落殘杯萬里餘

逢殷白亮歸江南

長天萬里足風霾後轍前車兩不偕今日漢唐無舊跡昔  
人征戰有遺骸吟詩孟浩生偏老醉酒劉伶死便埋汝到  
金陵春欲暮桃花柳絮滿秦淮

贈龐少胥李定夫

盡道天涯咫尺閒短衣長劍謝朝班將軍白馬秋乘障柱  
史青牛夜渡關風起五湖沙似雨雲開萬里雪爲山相看  
把酒莫惆悵前日生逢定遠還

夢珠言大造不以全福予人厚其才必薄其遇予笑  
謂之曰特無才耳古之才人雖不過猶勝吾輩

踉蹌身世事無端莫道才人遇合難李廣未封猶郡守馮  
唐雖老尙郎官金婆夜月平沙遠木壘秋風側枕寒尊酒  
寂寥人定後疏鐘叩客淚闌干

黃陵廟

一片浮雲渡水西春山如畫日初低鷓鴣不信蒼梧遠飛  
向黃陵廟裏嘯

夢斷

斜月疏櫺澹欲無朔風吹夢入南湖不知天地緣何事慣  
向津門嘯夜烏

秦關

小樓昨夜夢江南黃葉西風雨不堪今日郵亭一杯酒盡

蕭涼雨度峭幽

塞上曲

祁連山下路漫漫白草風吹威築寒多少游燐燒不起夜  
深霜斷紫駝鞍

銅駝陌

午娘嬌小近如何二月蛙聲水上多惟有夕陽無限好西  
風陌上哭銅駝

雨後拜克倫河上送榮漢庵歸吳

亂雲收盡水空流落日吳江萬里秋病起送君無一語雁  
聲嘹唳過西州

夏教諭逢夔

三首

逢夔字典虞益陽人雍正乙卯舉人官桃源教諭  
著有聽齋文集典虞通經術善古文爲一時儒碩  
不必定以詩見今止從方志採入古近體三首

賈太傅宅

湘水悠悠流萬古荒涼漢傅空庭宇  
渫井當年跡尙留我心惻惻爲誰語  
繫昔周衰政不綱祖龍灰劫昆明土  
禮衰樂廢詩書燭天漏應須鍊石補  
乃公馬上本倥傯絳灌陸皆儕伍  
代邸純資洛下才成王踐祚姬公輔  
如何謙讓還未遑宮禮彬彬無復昭  
闕闕乾坤架漏過何自茫茫尋陸緒  
太息流涕在千秋豈唯痛哭籌吳楚  
卻怪翁公論不平詭遇邱陵非所取  
生能用文文用生落拓長沙卑涇處

莫耶爲鈍鉛刀銛弔屈之文心獨苦我來捫石過荒祠欲  
奠椒漿傾桂醕曠懷千古發長歌颯颯驚風來戶牖

登安樂山

尋幽試一望突兀碧空懸峯轉疑無路林深別有天白雲  
依古寺流水理冰絃到此忘歸去塵心息萬緣

元日日占

可如王粲賦閒居酒泛椒觴又歲初雪色已看浮小閣春  
光應爲暖寒廬山中日月容疏放客底風塵藉埽除獨愧  
太平無以報臨池重擬萬年書

沅湘耆舊集卷第七終

沅湘耆舊集卷第七十八

新化鄧顯鶴湘臯編輯

長沙毛國翰青垣校訂

張選貢埴

十六首

埴字貢五號香泉湘潭人雍正癸卯拔貢著有湘  
帆閣志千之萬吳行越行齊行楚鄉邸居等集其  
曰志千之萬者欲舉大地山川而盡繫以詩名曰  
全輿詩括以卷帙浩繁姑以北轍南轅志千之萬  
先之云爾其曰越行齊行者省覲其父仙居文登  
之作而志千之萬則就養其子比部九鈞編修九  
鎰二君京寓作也湘帆閣文集方待郎苞張文敏



照謝梅莊濟世皆有序蓋其喜遊覽負盛名於時  
如此

楚鄉詠古

漢法欽書一賈生浮湘至過秦以警漢深心或有寄消忠  
於未萌才高爲身累視遠如視近不用非不知寂寞荒江  
祠猶垂痛哭淚

子美困流離詩篇益奇創諸侯老賓客蹤跡餘骯髒兵戈  
日月昏登臨空惆悵秋風落魄翁注念勤王將時人笑腐  
儒終古推大匠豈知僅文章難名其器量白雲滿山川朝  
夕增清壯懷愴來陽縣今古遙相望

長源好大言自負經綸手濟時趁才力事業傳人口詎有

神仙骨差可帝王友一室祝融峯閒吟堪白首酬恩違素  
心風塵困奔走借問耕白雲何如飲醇酒

岳侯忠孝人勤王必投袂謀定而後戰取勝若符契八日  
清湖湘全收上流勢螻蟻不足埽虎狼方受制和議忘復  
讐乾坤合蒙蔽

歷廣川尋九河故道不得感賦

西風颯沓吹荒甸黃沙撒起蒙頭而蒼黃投止暫停鞭良  
久坐定問何縣前近任邱後鄭城百里菱葑水一片行子  
才于日暮愁索塗冥摘口含怨我言爾輩歎迷津豈識古  
時九河曠自從故道失齊桓煮海營田滄桑變鬲津茫昧  
徒駭亡先公賜履不復踐遂將清濁二漳流下注大陸成

漫衍思昔長河積石來界破中原原一線奔行到海馬谷  
堙碣石矗立聳天限蹟載肇域本分明五百驪成言荒遠  
况決瓠子河道南負土宣房從官賤魚臺直滙平臺陰梁  
山欲走梁王院至今爲壑皆鄰封或決曹南或決汴吾徒  
淤陷僅蹶涔咫尺坦塗何未見聞者霍然起泥中馬上抵  
掌都忘倦犁然禹蹟在目前不薄吾言作驢券

淶口過曹丈中玉宅

入口無多路人煙曲折環魚蝦秋水市蘆荻夕陽灣估舶  
依灘急僧鐘到夜閑黃墟成往事指點一愴顏

贈別獄門之瀉山兼簡緯雲開士

初地歸塵外蕭蕭竹百竿磴隨岡勢折人與磬聲寒入社

逢春暮談眞密夜闌何當飄笠興又指白雲端

李陽河謁昭明臺追和友人何無墨太守韻

夕照停舟去荒唐有廟存平臺過雁影欹榭帶江痕久混  
琳宮蹟誰招帝冑魂廿年何水部同聽怒濤奔

京江夜泊

江濤薄暮勢微收鐵甕無風一夕晴邀笛步遙人對月藏  
春巷近客吟樓一聲僧磬驚懸狖數點漁燈動宿鷗入境  
蓬萊原未遠金山突兀海鼇浮

蒼石環中詢及吾湘石介如近狀悽然有作和原韻  
巷問烏衣景不殊園尋金谷舊難如萇弘血化千秋碧趙  
氏人存一脈孤靜夜挑鐙風雨泣青矢擊劍鬼神呼多君

俠氣猶懷舊肝膽人間歎絕無

唐四赤子由長干移寓郡齋度歲有作

斐几湘簾靜不譁長干生事閉門奢  
竭來共翦西窗燭老去重吟東閣花  
莫更打包尋古寺且畱守歲當還家  
衣冠白下人如海輪爾才名擅物華

金陵過某公舊第

罷相門堪設雀羅翟公感慨向誰多  
舊人惟有休文在一度來遊一浩歌

山陰雜詠

石繡苔錢認篆題麓峯刊置禹陵西  
高松古殿鼠松鼠苔竹深林喚竹雞

天台縣

誰寫溪山送我行  
天台萬丈石梁橫  
到來不躡飛橋影  
一徑微通古縣城

牛渚

水底軒車夜未休  
然犀灼見走如流  
少年衣錦人何訝  
富貴不歸空白頭

田橫島

齊破猶存五百人  
便應據島作秦民  
如何更向偃師死  
不及君房在海濱

黃選貢立成一首

立成字永年桂東人  
雍正癸卯拔貢

柳絮

未熱縣先脫飄搖信腳根風梳金縷碎雪簇玉階翻花發  
原無帶春歸尙有痕白頭感知已逆旅在乾坤

費選貢元傑

五首

元傑字重湖巴陵人雍正癸卯拔貢有窺園存稿  
月夜

風雨連朝暮清輝到眼新誰知好秋月翻遣照愁人斷雁  
哀中澤寒蛩泣四鄰長沙有封事曷不繪流民

冬日

不堪頻極目觸處總驚神歲癘多新鬼年饑少醉人寒梅  
猶待臘凍柳欲先春幸有 寬仁詔蠲租到楚濱

洞庭秋

玉露金風咽暮蟬  
白蘋紅蓼醉江煙  
無邊水國涼生早  
不碍平湖月到先  
清夢每隨歸燕杳  
秋聲遙聽塞鴻傳  
相看惟有湘山好  
一點青螺鏡裏懸

抵尤溪

十二峯前望武彝  
山光如鏡隱鬢眉  
嵐煙淞霧朝朝雨  
紅樹青山處處詩  
溪入閩疆眞罨畫  
人來海國雜侏離  
江干車馬觀如堵  
猶記殘燈夜課詩

題夏方升畫葡萄

長安詩酒舊時春  
遊遍天涯老漸貧  
筆底明珠千萬斛  
年來賤賣與時人



張曲沃坊

人前

坊字和五埴弟雍正戊申拔貢初官陽朔知縣調  
陽曲再調曲沃遷保德州牧所在有慈惠聲去曲  
沃日縣人爲建三不朽坊有湘帆詩鈔觀海學山  
諸集

出塞圖歌有引

坊復宰陽曲辦大金川軍務凱旋迎往長安歸乃出雁  
門關之任天鎮戲命畫工作圖自題長歌於上

男兒生不能如傅介子立功異域斬樓蘭又不能如班定  
遠萬里封侯入玉關幸際昇平偶用武馳驅孔道効一官  
山河表裏內地耳要當惡陵絕塞餐風飲雪倚雕鞍憶昔

趨庭歷遊遍嶺嶠中年膺一縣蒼茫海水近陸川潯暑炎

蒸煩鍛鍊南斗六星高仰看天中見猶能飛芻踰嶺雨從

戎自注義執馘擒囚人共談會當聖明用三晉劇邑頻

頻當首郡自注甲子戌辰兩署陽曲十年猶著舊朝衫抑掄空笑忙閒

令歲已巳秋初旬中丞拜疏下捧檄來大城是爲明天鎮

衛自注明天成鎮虜二唐天成軍自注遼金元王泉隋驛

地自注隋廣牧漢東營縣自注北魏置廣牧古來將相今寂

寞干戈化作絃歌聲甯知朔風寒徹臂正須臣節勵冰清

君不見長城萬仞挂山邊北斗七星懸半天朔風時一起

吹屋似牽船明妃一去三千里自注用蘇武曾經十九年

自注用羈臣思婦古如此仕宦豈必非同然而今圖成一

杜牧句

漢書卷一百一十五  
幅川塞稿中有鳴琴挾劍之逸客路人不識皆停鞭飛狐  
雁門在指顧紫荆倒馬相盤旋誓將東望居庸并山海西  
眺榆林寧夏張掖暨酒泉歷代墩堡營衛與關邊一一豐  
功偉烈凌雪煙

晉國七都考詩有引

閉戶著書相沿滋職尋源刊謾力辨斯明僕攝汾澮之  
官遍歷廢興之址心領夫典墳圖籍目擊夫形勢邊疆  
知晉封非太康曲沃非聞喜翼城是故絳侯馬卽新田  
唐都現在魯史昭然爲作晉國七都考詩以正志乘之  
譌

翦桐封弟祚無窮開國河汾百里東唐譜重新劉累蹟夏

墟丕變豕韋風密須鼉鼓昭文德闕鞏魚鱗壯武功華胄

直垂三晉在千年封建北周隆自注唐都北翼城縣西南

地之

故城邨外看流泉唐叔初封始卜遷改國昔因池沿瀚自注

詩譜變父以晉作宮會愛水迴漩自注竹書變父作宮陰

陽似相居直舊兆吉還同定鼎年漫羨太原懸纔出何如

此地湧清漣自注水溉田數千畝唐都左翼城縣東南

孫晉侯  
二世

千載分明曲沃疆謏詮聞喜屬桐鄉成侯五世遷都久自注

詩譜會孫成侯桓叔三傳建國強自注詩序昭侯名著

南徙居曲沃書憑臆斷故家失業覓真藏樂盈復入由茲入自注春秋

元目晉書

於晉入枉認新由一例荒自注曲沃都莊曲沃縣西南二里西周時成侯徙此歷厲靖伯

於曲沃五世應劭謂注沃莊開

喜後竟以此為新田非是

遷絳當年始穆侯兩朝事業相成周西京勛烈留汾隰自注

竹書穆侯從宣王伐條伐洛邑功名壯上游自注文侯立

命千畝又敗北戎於汾隰

唐廟南瞻陵北望翼山東峙水西流文章有命同謨誥

和鬯彤盧鎮九州自注絳都莊今翼城縣前當晉瀆諸水

至昭侯始遷翼

昭侯徙翼建宗藩曲沃頻年戰鬪繁明哲先知五世亂詩

人早識遠條蔣浮圖表碣小王墓自注浮圖邴晉水名池

其子魂自注樂成死哀侯難國人改魂卻笑百年新塚出是

誰來葬翼東門自注晉厲公被弑自新田葬此翼都卽

邴西晉水之上昭侯復遷此唐

孝鄂哀小子許侯六世曲沃武公滅之

武獻深謀廣絳都一門翼聚互相屠自注聚即今絳縣城南車廂城城圍

昭孝支同盡姬寵桓莊族其無多難興邦開大葉取威定

霸壯雄圖自注文公定襄王於郊入公經傳書詳切表裏

河山寶奧區自注以聚為故絳及汾水西之太平絳州開

公滅翼都之故名故絳獻公北廣其城二里歷惠懷文襄靈成景入公

春秋左氏論卿材卿自注上新絳嘉謀古所推二百年閒垂

霸地十三公盡主盟來卿自注山哀後諸總由沃國譌新晉

致使鄉人失絳臺一自主明侯馬是自注侯馬千年障翳

似雲開自注新田都在曲沃縣西南三十里景公遷此歷

萬倬平昭頃定出哀幽烈孝靖十三公後分為魏

趙韓

三國

沈氏耆舊集 卷第十一  
陳羅源悌

一首

悌字次方武陵人雍正戊申 詔各舉所知辰沅  
道葉滋以悌名應引見 顧問稱旨以知縣用分  
發福建補羅源縣有異政以勞瘁卒

珠履吟

行行朗水濱寒煙披古路老木撐虬枝空巖濺石乳日月  
荒古今滄桑闕朝暮當年珠履坊邸第飛巷霧交疏結綺  
窗阿閣亘回互食客三千人颯沓蛟龍聚闌闔儼天衢車  
馬紛雲布魚目笑明月甌瓠夸璠璐赤舄踏花磚炯炯星  
光度一朝進李國孤臧移芋祚縱有朱英謀無補平生誤  
斷碑蟠古嶠蟬鳴夕陽墓夜雨滋苔蘚精靈邈難遇翹首

望蘭陵蒼蒼雲樹

張思州邦柱

五首

邦柱字芷鄉一字蔚齋醴陵人雍正戊申拔貢官  
永明教諭遷贛州信豐縣知縣擢刑部郎出爲思  
州府知府有嘯松樓集前有洪素人樸序謂生平  
友湖南三人羅鴻臚陳體齋其一則芷鄉也此集  
刊成其邑子羅權如之壩始寄到一集亟爲增入

歸舟

山門芳草發歸客早梅看密霧蒙遙岫嚴風激怒灘酒酣  
詩膽壯家近旅懷寬猶喜今年閨人歸歲未闌

潞挹寺納涼



僻地塵勞淨深林暑氣微  
螢窺疏戶入鳥認舊巢歸  
坐久雲移樹吟成月上衣  
一聲山磬發羣動亦忘機

帆開

山缺從雲補帆開見樹行  
急流雙槳競斜日半峯明  
莫訝官如水猶欣酒滿罍  
連朝風色好不慮簡書程

夏日偶成

海榴開罷鳳仙陳  
旁舍離離棗實新  
天上斷雲銜雨過  
屋邊殘照殷雷頻  
學飛燕子時穿戶  
窺食狸奴不避人  
剝啄稀聞清晝永  
遽然夢覺添園身

厥西奇古足蒐求  
假日招尋勝侶游  
久雨市衢常聚水  
旱涼官樹欲成秋  
嘗來世味渾如蠟  
信有吾生合似鳩  
白石

清泉無恙在軟紅香土又勾留

李選貢之郁

一首

之郁芷江人雍正己酉拔貢

龍津橋

出郭尋津喜不迷垂虹來度岸東西望中樓閣高城倚行  
處人煙列肆齊驛路此閒通六詔水聲盡日雜諸溪劫灰  
已沒端明石大筆誰堪續舊題

梁襄垣嘉瑜

二首

嘉瑜字湘懷會同人雍正己酉拔貢山西襄垣縣  
知縣

遊崖屋

城南二里餘古洞雲深貯誰闢屋三閒仙蹤歷年所松篁  
紛慈鬱援鶴嘯儔侶攀陟憑孤筇足聚不敢舉尋徑出荒  
岑憎廬茗堪煮

原注崖屋僧茗最佳視剎史  
戲於崖壁書吃鍾茶去四字

### 蓮花洞小憩

懸崖石窟接崆峒數朶芙蓉翠靄中  
曉鳥一聲天欲暝落花無語色全空  
老僧盡日和雲宿遊客終年載酒同  
畫意詩情俱澹遠不妨歸趁夕陽紅

### 曾歲貢紹孔一首

紹孔字泗英益陽人雍正己酉歲貢官桑植訓導  
著有我山文集與夏典虞教諭同時皆能爲古文  
詩非其所長也

我山

蔣家茅屋兩三鄰  
買得孤村歲月新  
雲老溪山閒鶴夢  
雨深煙樹長龍鱗  
主人愛客逢迎懶  
好鳥忘機飲啄頻  
陽上桃花開似昔  
更將春色見天真

周經歷廷高一首

廷高字東郊一字畏庵零陵人雍正壬子拔貢歷  
官直隸開州州判江南鹽運司經歷陝西布政司  
經歷權西安府同知著有畏庵詩鈔四十卷畏庵  
有至行雍正初會應詔舉孝友端方居官廉慎  
所至務盡其職集未見僅從方志採得一首

懷鄉時權西安府丞

塵埃一染總難湔三十離家老未旋宦海鬢霜人似夢孤  
鐙春雨夜如年來隨故國衡峯雁看飽咸陽華頂蓮爲問  
瀟湘東下水幾時西上洞庭船

胡選貢特昌一首

特昌芷江人雍正乙卯拔貢

### 遊花山

巨靈顛屨凌空起石磴盤紆疊青紫探花鼓興一登臨疑  
到赤城仙境裏花裏璇宮金碧光幽篁綠玉聲琅琅女蘿  
薜荔天影薄剗刺石髓涵清香更陟層樓窮杳渺舉頭天  
外羣山小白雲萬壑盪心胸此身已出瀛壺表勝遊天險  
幾曾聞桃源何必皆秦人域中絕境乃有此遊寇何人築

高壘當年雲擾懿洽州男兒誰不悲同讐狼奔豕突齊扼  
吭恃此長城幸無恙只今海宇際昇平百年以來無戰聲  
對此茫茫幾搔首高山酌汝一杯酒

孫教諭士遠 二首

士遠字毅齋澧州人雍正乙卯拔貢芷江教諭有  
毅齋文集毅齋以理學著治身甚刻苦詩不多作  
殊有關係

田氏殉夫虎斃紀事

誰不畏虎誰敢嬰虎夫斃於虎以身餒虎解因旱之毒逢  
虎之毒豈能制毒甘受荼毒解兒在上田爺在下田撲地  
一聲命隕黃泉解兒號以呼母奔迫之持三尺棒尾虎椎

之

四解

虎伏山隈正待其來染鬢漬齒詎有全骸

五解

天風蒼

蒼海水茫茫夫亡何依與之偕亡

六解

深深黃土合葬若斧

哀哀兩兒哭父哭母

七解

止有初念不設轉念月暗星昏一

死無欠

八解

人謂婦癡人謂婦愚力盡心竭幾及其思

九解

後

十餘日虎斃山側割烹嚙吞莫雪婦盡

十解

鳥則比翼枝則

連理百禩千秋同此畏嬴

十一解

難邀封碣可樹女貞年年

寒食聽杜宇聲

十二解

### 望夫臺

煙籠繡浦鴛鴦飛玳瑁梁閒燕雙栖征夫從役獨不返思

夫日日臨迴溪溪上踞山山有臺節烈爲藩貞爲基長城

萬里人何處心繞秦塞眼欲迷不怨靡盬勞王事但願夫

行無蹻蹻刀頭莫卜天上月叩關乃作祀婦號一隅城崩  
一肩骨力盡同官志不攜越今臺並嘉山永年年蘭蕙長  
春黃明石成鏡竹如刺遺蹤不由人安排軒車往來觀風  
使同登百尺采芳梯

費教諭應泰 十二首

應泰字二交一字東嶺號履齋巴陵人雍正乙卯  
拔貢以武英殿校錄議敘授瀘溪教諭有含翠軒  
詩集履齋罷官後主講虎溪白鹿兩書院有含翠  
軒及初入虎谿書院謁文成祠二詩見辰州府志  
今其後刻費氏三世遺詩顧無此兩作以是歎採  
輯之難而吾鄉先輩詩聲散佚者蓋多矣



含翠軒

自余擁氍來閩茂歲九月廣文三閒屋僅足蔽牀席鄰有  
同官居移官未移宅欣然肯借我稍稍加補葺題名額含  
翠迴然異疇昔蒔花亦不多四時無閒缺中有數架書尤  
堪永朝夕好友一來過奇賞疑亦析滯畱今幾載徙倚忘  
狂客誰云地徧陋由來比遷謫

初入虎谿書院謁王文成公祠

有明三百年闡道盛耆宿從祠四先生人猶未咸服文成  
昔謫官講學此林麓揭出致良知三字堪三復前有薛文  
清理學振頽俗懷古薦溪毛結宇同戶祝自注公爲監司時興學育士景  
人思之故涓涓虎谿水鬱鬱西山谷羌余實饑僮七年飽  
並祀焉

自猶此鄉有藏書荒遠不可讀聊爲一瓣香百世師芳躅  
雜詩

庭前一株杏春半慳開花東風吹戶外紅紫遍天涯蜂蝶  
過牆去春色喧鄰家慷慨非不力願望亦已賒十年計樹  
末空餘支杈枒共秉陽和德苑枯何太差

男兒尙意氣四海結主賓自謂披肝膽兩地交有神一朝  
逢運會立登要路津車笠當邂逅視若越與秦監言猶在  
耳一諾渝終身古交交念舊今交交喜新所以管鮑後輕  
薄無足陳

癸丑十月十三日夜雨聞雷

不醉尊前酒其如此夜何風從秋後勁雨覺客中多清暑

寒生粟閒身睡作魔蛟龍應欲起故遣早雷過

泊順昌

湍急舟如矢停撓日未沈山城隳地舊水碓滅江心天漸  
消寒氣人難譯土音此鄉傳美酒買醉壓孤衾

夏晚同黃玉亭倫齋童梅莊汪南華登奎閣分賦身  
在此山中得中字

行行滄翠裏把臂素心同疊嶂歸雲暗高樓返照紅圃肥  
新雨後僧老暮煙中不待茶香至涼生兩腋風

過夔府望入陣圖

萬里西征客扁舟似陸沈路經夔府險水入峽江深故壘  
千年懣平生一片心停撓憑弔處落日助猿吟

抵瀘溪

耳熟瀘溪縣到來煙水深女牆低古道野寺枕荒岑白雁  
蒼涼後黃花澹泊心數椽結構隱髣髴入山林

桃源洞

不識桃源路舟人指故山白鷗秋水外黃葉夕陽閒塵世  
境原幻漁郎事可刪時清競朝市長覺洞門閑

答和侯彝門春日懷西山元韻

幾回命駕去仍難長憶高峯數點寒路客三千遊已倦春  
光九十過將殘才堪入世原非善身得依山便是安冰泮  
玉泉聲活活枕流我欲日憑欄

新秋偶感

涼颼漸逼火雲收人在天涯怯遇秋幾處蟋蟀吟別憾誰  
家砧杵動新愁三年帝里閒中過一夜鄉關夢裏遊可  
但蕙蘼縈客思多時不上岳陽樓

黃平陽宜載

二首

宜載字靜涵號安齋湘鄉人雍正乙卯拔貢考授  
直隸州州判借補浙江歸安縣丞陞授溫州府平  
陽縣知縣著有安齋詩草湘鄉黃氏多聞人平陽  
居官尤廉惠有善政歸後囊橐蕭然無以爲家其  
曾孫楷盛正齋今官禮部儀制司以安齋草求選  
爲採錄近體二首存之

決策

風塵勞草草，決策未分明。猶信無他意，誰知悞此生。  
甘利鈍，黑白任輪贏。漫訝世情異，憐余少世情。

京口元夕寄武昌諸友

憶昨中秋漢上游，那知今夕醉瓜州。江聲自撼金山寺，雲  
影空橫黃鶴樓。過眼風花消綺歲，驚心湖海入扁舟。蒼茫  
望古兼懷遠，可柰尊前爛漫酬。

沅湘耆舊集卷第七十八終

沅湘耆舊集卷第七十九

新化鄧顯鶴湘皋編輯

長沙毛國翰青垣校訂

羅尙書源漢 六十六首

源漢字方城一字南川長沙人雍正癸丑進士改  
庶吉士乾隆改元散館授編修歷右春坊右贊善  
左諭德轉侍讀授廣西學政遷侍讀學士順天府  
尹大理寺卿旋授倉場侍郎因事調用再補順天  
府尹升都察院副都御史擢禮部右侍郎復以事  
降補都察院副都御史升兵部右侍郎兩任順天  
學政歷都察院左都御史晉工部尙書仍以事革



留原品休致卒著有南川詩文集公初入館故事  
須同鄉官保任時茶陵彭先生爲協揆清嚴高簡  
門館無私識特重公品學與陳文肅同保薦一等  
又大教習爲桐城方先生二公時喜與公講論經  
術治體識者謂公學於茶陵得其正大於桐城得  
其精純遂爲乾隆朝名臣云公詩文雍容莊雅尤  
喜臨池書法爲時所重聲望赫奕今去世未久流  
風邈然可慨也先是公之幼子本遠年已篤老以  
公集暨狀徵余言屬爲編定未及爲而本遠卒今  
集藏余篋爲選一卷入斯集聊踐宿諾未敢謂能  
傳公也

奉 命出都賦呈吳崑田同官

白馬街前嘶清曉戒僕夫 君言不家宿乘傳出 皇都  
出都問何之路遠西南隅茲行任良重三載登賢書 國  
家堯舜治得人爲本圖煌煌科目選非以名相譽士貴特  
達才如彼千里駒昂藏不受羈騰蹕走雲衢駕駘如誤收  
何以供策驅文章雖小技於道未云粗經義理邃密羽翼  
非補苴數千年賢聖如爲位起呼昌黎仰山斗經訓曷藉  
畚朝菌浮無根榮枯速須與蝸涎未滿殼能無粘壁枯所  
怪搜奇者齟宇嚇庸愚牛鬼與蛇神按之理則無堂堂先  
正矩胡乃蹈莽蕪矧矣三場備華實罔遺餘駢儷潘陸才  
黼黻廟堂謨董醇而賈茂條對歸通儒所貴名實符毋謂  
沈湘耆舊集卷第七十九

法制疏自古文章事端賴人持扶維彼粵西土地僻在蒼  
梧幸沐 作人化毫土向風趨已令瘴癘鄉易爲文明區  
自怵心非鑑狠云材是樗三江簇文瀾五嶺攢青虛翹首  
望南雲千里始驅車好風搖柳絲爽氣到眉鬢連鑣冠蓋  
出 光寵溢 皇途咨諏志同切感激情難舒作歌行自  
鞭因以告吾徒

旅店吟

問食就荒村繫馬入茆屋茆屋何所有鋤犁雜杼軸室中  
有老翁鬢髮皤且禿上堂供盤盂問年旬已六少小事畊  
塋手足焦皮肉兒女漸成行衣食常不足大兒學操楫結  
網寒江曲次兒身力穡五畝生基促幸逢雨暘若今歲秋

大熟二麥既豐獲晚收到穰穰舉室共歡宴辛苦有此蓄  
但恐高官人口不慣脫粟語罷啞然笑我聞心愁蹙古稱  
食爲天穀熟民乃育昨聞川粵開陽侯肆潦毒濱民化爲  
魚禾稼可不卜 軫詔雖屢下生氣甯易復爭似此閒樂  
幽風圖一幅團團爐中芋薄薄淵邊脰所在物力艱暴殄  
天所戮志士咬菜根君子戒覆餗

白零陵抵全州

九疑看不盡此去云全州徑隘山岫窅村迴溪魴繆開眸  
發高興信步成奇遊桔槔輪疾水畧約支飛樓履坦方就  
陸斷空旋登丘草眠封半谷杉立排千籌仰看懸流瀉寒  
飛十里秋小鳥時一鳴萬壑風颼颼茲境足幽賞忽見平

田疇綠苗鋪似繡紅粳時已收斜陽照黃沙

河名

息駕爲少

留

### 宿湘山寺

古寺一聲磬煙開見清泚生平湘上吟今到湘山裏湘水  
入海流湘源濬自此灘水走東南兩界注飛矢不踏五嶺  
雲空駭七澤水頗聞祭川者河源先海委茲行探其本乾  
坤一掌指湘山連衡山千里猶尺咫

### 風洞山

高岑俯招提嵐翠滴軒網咫尺城東隅信步得奇賞輪囷  
石萬壑窈窕藤千丈花氣襲層崖登樓興蕭爽諸天象外  
觀唾落寒空響僧房轉曲逕一石境分兩眼前錯落峯移

步平如掌習習韶音生自注名人籟頻來往緬維揮絃化韶音洞民物滋豐穰舒暢各有性所恃體仁長油然見治理不獨契幽想

東都詠松子

蒼龍起百尺鬱鬱雲中松捲枝挂月影鐵幹橫晴空磊落立巖穴車蓋張童童託根厚且深結子苞房重當其嫩綠時如珠胎半中屏甲躍躍啓秀吐青芙蓉竹食或可比鸞鳳欣相逢此實亦恆有他土難爲同東都盛元氣物腴土膏濃數寸競寶塔千顆吹香風噉來可益壽服久應騎龍念非赤松子何如黃石翁聊以佐盤餐息妄祛愚蒙翻因悟心性饕餮形所攻寄語採松人永念大造功

初至鹿原將致祀於炎陵

刪書首唐虞皇墳事多缺功業常在入饗祀酬明德何以  
開天聖神靈在荒僻想見混沌初乾坤無分域南衡與北  
恆千里猶咫尺不見三苗地本是封建國炎帝以火官丙  
丁位南極朱陵應朱鳥主宰是其職司此祝融方用輔大  
造力知醫民不夭力耕人得食報答已千秋兩火徒臆說  
國家有大慶稽古崇典則遠皇雖已遠盱衡通氣息橋頭  
名山促騎過雲開衆峯碧古樹何龍葱尊嚴體殊絕詰朝薦  
馨香誕告百神格

宿石鼓書院

衡州之山多奇特雁峯峙南石鼓北周宣攻車不到此佳

名今古同烜赫長松翳閣神所棲斷碣欹牆人不識側聞  
李寬建自唐風雨年年秋草碧憑臨十里萬家煙遠樹撐  
天鳥飛沒其下綠淨者湘江左會蒸流環一袂我因行役  
過此邦荆榛滿眼塵滿臆躋階便問合江亭弔古心愴訪  
遺跡韓張兩人久不作高文大章垂金石剔蘚循誦半摸  
蝕發篋朗吟三太息小憩危亭日影斜登樓一眺乾坤窄  
文名山斗今幾人吾道南來溯正脈黃昏鐘鼓催客臥秋  
山月出寒江白

題十八應真過海圖

天吳跳波風伯馳龍宮晝晦森鱗鬚連日老尊珠火眉排  
空駕浪紛何爲二十八宿分張騎亢金前導尾火隨甕



明睽揚厥威西望結鄰東鬱儀  
踏倒扶桑嬉咸池問胡不  
濡亦不迷此事或恐解者稀  
頗聞佛乘超八維出入三界  
無天倪華嚴海會詞旨微  
我覽其理得知之大千苦海一  
浮梯般若無楫功難施眼中芥子大須彌識得罔象形可  
遺寫生好奇奇非奇大鵬海運都如斯茲圖直待解人窺  
慎勿區區說夢癡

早春集蔣少宰揖翠堂席閒分賦盆花得絳桃七古  
一首

膩雲釀雨蘸香宿一縷紅綃被晴碧蓬海千年度索春分  
得人閒纔一尺花開不待羯鼓撾綠枝絳萼交欹斜獨立  
小窗嬌欲語滿堂蒸起赤城霞結根雅稱芝亭好小盆貯

春春浩浩紅雨乍霏午夢覺羅屏半掩銀蟾皎本溫飛狀卿句  
成千辨豔奇絕紫杏紅梨都無色珊瑚火齊的皪飛天孫  
染絲織不得我家居近桃花源曾棹春江漁父船淥溪芳  
草雜桑竹對此咫尺生雲煙主人本是蓬萊客龍頭瀉酒  
傾百石酖顏花鬢兩無言分曹醉灑安期墨上林樹樹思  
早春春光先到梁公門簾外餘寒尙料峭洪鈞一轉何續  
紛

覺生寺大鐘歌

炎塵袞袞烘長空六街漏靜聞華鐘覺生寺敝修羅宮蒲  
牢百尺制罕同體壓巨嶽紐蛟龍大千世界歸幘幪有時  
一叩九霄通阿誰製之明太宗金川門開川水紅白日慘

淡天陰風殺氣鬱結成妖虹鎮壓幽魑懸金鑪道衍手摩  
稽厥工羲之學士筆如鋒華嚴鍊出烈火中欲借佛力驅  
鬼雄吁嗟善惡天如弓抔土何能塞洪衝魑魅罔兩莫能  
逢狂德不關鑄鼎功三百年來回春融行人過此心猶忡  
聖朝治世儒術崇詩書禮樂相陶鎔好將此物銘勲庸不  
爾喙嘷奏在公修門瓠落老僧椿混跡變俗非爾衷長廊  
夜吼風雨從欲得大用開鴻濛歎然顧盼來九重風塵一  
出聲麗洪黃鐘大呂在東序大鐘千載傳無窮

秋日楊西園同年招飲寶硯堂戲成長歌

庭梧葉落空齋涼垂簾兀坐橫縑緗西園好友折簡至咫尺策蹇神飛揚吾友嗜古真成癖搜抉有類米襄陽左圖

右史薰鳳腦木難火齊森龍堂黃筌寫生寫不出時時鳥  
語傳花香城南一帶車馬地淄塵十丈漉冠裳到來心目  
一以澈宛登懸圃數琳琅陶泓累累坳以黝瑟縮菌蠢蟠  
青蒼膚堅裏膩閔元氣奴視銅雀僕未央其餘大小稱布  
置如以衆垓環崑崙吾聞西清富琬琰翰墨之寶歸詞場  
厠跡蘭臺十四載一官破硯穿芸窗得祿僅酬買書券心  
縱嗜古慚空囊黃門舊是詞林客夙昔灑落無羈韁千金  
一拂購所好冰銜得此增輝光矧今獻替入西掖簪毫白  
簡飛秋霜珪璋比德應有意廉而不剟臣職當華筵速客  
供眺賞亦借砥礪非誇張安得江淹五色筆與君題詠日  
相望

早行

旅柝猶殘夜征衣趁遠途馬遲沙路暗村隱戍鐘孤叱馭  
誠佳話題橋亦丈夫我行多氣象天外晃金烏

感興

野鼠驚人竄神鴉得食馴物情分世態吾道自天真醉挹  
君山酒香攀杜若春蓬窗風月富不厭庾郎貧

登大別山

已挂輕帆去還從大別遊樓臺江外落歌管漢南稠水闊  
收全楚天空對遠鷗乾坤誰不朽禹廟白雲頭

望江署贈董石源

十里華陽鎮輕帆泛月行故人眞吏隱此地少逢迎折靜

蛙傳鼓琴希鳥報更蘭臺奔走慣翻愧簿書清

繁昌夜發

返棹向江村孤亭夜柝喧細流剛受艇斜屋早關門月落  
魚龍偃雲深虎豹屯客遊憑一劍蕭瑟不須論

觀音崖

南海何人在懸崖自古今一龕藏世界半嶺有晴陰我欲  
探龍窟捫蘿力不任泉聲送鐘響洞口白雲深

重九前一日與同人集丁監督署攜尊泛舟至王氏  
園醺然竟醉矣歸後同人郵句索和笑酬四章

路出東門外漕河接御河趨將吹帽興來作泛舟過風  
急唳蟹少江清乳鴨多開尊延野趣秋色柳千科

名園久契想結構正臨河樹老虬龍舞庭空鳥雀過煙雲  
飛不定今古事何多漫學悲秋客乾坤泣井科

萍水逢清讌高談瀉絳河涼風秋一別旅館夢頻過地愛  
塵鷄滅漕持國計多陳因今有蓄優詔免催科

幾載承明入披衣候曉河文帳千古事行逐眾人過郢國  
歌誰是高陽伴尙多攜尊重有約酒律肅軍科

喜雨三首

經旬瞻望切際此一伸眉乍聽花階響遙知麥隴滋物情  
歡有象人事靜堪思煙靄連天布何曾膏澤私

柳外雲如織簷前瀉似銀稍酬三殷望如送萬方春  
蜩功何汝鳴鳩意可人捲簾看細草得地亦相親

幾度焚香對虛亭  
爽籟通夢回巫峽裏  
人在綠雲中  
潤氣侵書幌  
寒聲罷砌蟲  
涓流皆渥澤  
珍重問天公

送阮澄園同年歸休

涼風掃玉署  
之子意何如  
得失千秋論  
行藏數卷書  
雁歸霜雪遍  
鷗泛水天虛  
回首觚棱隔  
淮南有舊居

送汪蓼山赴浙西鹽運副之任

作吏近西湖  
閑情寄水隅  
不知湖上景  
可似畫中無  
老樹半空落  
寒煙一棹孤  
魚鹽有清暇  
添箇海山圖

鄞城過楊氏亦園偶題

卽茲亦云適  
不必訪名園  
頗得煙霞趣  
竟忘城市喧  
竹多青入戶  
池滿碧浮軒  
熱客稀來往  
松風爲埽門



寧遠道中宿王氏宅

一碧雲窩裏居人宛洞天衆峯攢板屋百口足山田系本  
琅邪舊風仍禮讓先停車共鄉話少長意陶然

爲衡陽令陶梅庵買池軒題

佳政傳花縣閑情寄水濱幾曾魚鳥樂能到簿書人明府  
推時俊柴桑宛後身一池聊借鑑琴響白雲親

榕巢圖爲查儉堂郡守題

老樹鬱扶疏凌空結小廬意超懸象外風效有巢初太守  
今才偶閑情得簿書放衙無俗事坐嘯水雲居  
百粵風存古三條政不繁閑驅五花足來繫大榕根入世  
羣柯郡忘形悟漆園小巢容自在敢隔納乾坤

好句行春得芳碑遇處畱何來栖枳意添作望雲樓

原注邕州

舊有望雲樓

宦轍憐萍水官齋等傳郵披圖蒼翠合回想泛槎

遊

原注十年前督學粵西始與儉堂交好

### 鄴城懷古

建安才已盡過客悼西風鼎峙成何事漳流去不窮草深  
銅雀沒豕鬣玉魚空千古爭雄地茫茫煙樹中

### 過平靖關

九塞雄關一穿雲向此中亂峯攢碧落一徑入鴻濛古木  
陰號雨蒼颯夜嘯風嚴關同劍削不用數蠶叢

### 歸過長沙

邨原路熟馬蹏輕暫認蓬門駐客旌三徑晚秋松菊色一

尊寒夜弟兄情傷心丘墓頻回首極目雲山又去程無限  
悲懽牽旅思君親恩重總難名

翁蓼野詩親詩

幾載循陔望不歸白雲餐盡楚山薇人隨風雨爲離合天

許生還有是非

原注蓼野三卜神兆曰生還

後得鄭海生海還告以塋所渾沌忽開道

鑰在

原注鄭宅尙存一鑰合之家鑰益信

蒼梧難耐寸心違

原注蓼野父塋祁陽母塋姚江

常以不得合塋爲憾

班春猶得依孤冢

原注蓼野刺道州與祁陽接壤

五馬羣鴉叫

落暉

過黃河

此來不見沾酒岸積雨初收漲未平欲把狂瀾憑手障試  
教千里泛槎行清時作楫操何據學海尋源歷幾程風裏

一梭橫棹過蘆洲煙景紫雲生

九日螺山登高

山色青青聳巒望中幾度擬躋攀偶緣五兩輕風急  
時泊舟待北風偷得重陽半日閑天外朱霞明雁字水邊紅樹隱  
漁灣來朝淮海抽帆去百里湖光咫尺閒

舟過陽朔

暫駐星輶來桂院扁舟南下出山城灘聲挾雨侵人過峯  
影摩霄拔地生盡日曦娥藏半面有時猿狖鬧深更使君  
獨愛江籬好兩岸依依待挈英

崑崙關

粵山西望勢崔嵬雙壁森嚴一竇開戍卒吹烏排道立使

臣驅馬出關來時清絕嶠花千樹軍令當年酒一杯聞說  
關南有銅柱經營總仗定邊才

石匣

眾山迴合水縈紆石匣鄰關控上都短草連原秋牧馬高

埔射隼士彎弧向來勁旅羣推此

原注本乾隆八年上諭

亦爲承平

戒不虞多少材官屯要隘軍聲人震總戎吳

原注時傳提督吳進義練

法兵有

出古北口

纔向南天洞絕壁更從北口出重門盡看中土泯邊塞祇

借長城作短垣

原注古長城猶存

雕影千山紅日麗龍沙一望白

雲屯款關近報西人至

原注時準噶爾都爾伯忒臺吉策楞來歸

信是梯航萬

國尊

過青石梁

萬丈丹崖千尺澗紆回一逕石竊到來身是層霄客遙  
聽人多下界音懸溜撲空飛乳雪寒花帖壁點秋金紛傳  
口北天涼早底事單衣汗不禁

塞外雜詠

鹽廬

結構雖微居亦邇風塵一橐負鳴駝行隨地遠撐持易製  
仿天圓覆庇多是處爲家常藉草何人補屋待牽蘿大千  
識得鹽廬象今古乾坤共此窩

駝裝

種來西極號能馳見少徒成所怪多自聳高肩當重任每  
教昂首視平坡牽成魚貫堤邊出戰得鑿音塞上過嫵媚  
未工甘笑亦徐行穩步矢無蹉

雨溝

忽驚清溜響牀頭繞幕通渠溼不愁顧此居非五畝宅也  
教人作十夫溝寒原有蚓鳴秋草野竈無竈吹積流一撥  
功勤安永久可因暫憩少綢繆

地竈

長程邗得行廚備卽地爲爐任淺深執爨笑同塵滿甑烹  
鮮只合瓦爲鬲夜看燄起三秋燒晨去煙餘一穴黔頗有  
先民營窟意漫云樸陋少宜今

蒙古土風雜詠

乳筒

物小如筒質是皮酪漿貯得制誰遺頗宜席地分甘處最  
便征人載湯時濃醞酌來光玉液乳花流出憶金羈冰壺  
雪襖難爲比馬上風前任徙移

荒田

原注蒙古治田春播種夏出遊牧及秋成時便歸刈穫事較內地不勞

飲酪吞羶原舊俗何來沙磧有荒田腴腴但足三春雨刈  
獲同歸八月天農政無書傳塞外幽風可繪宛當前百年  
煦育繁生齒瞻彼邊民益恍然

柴車

原注刻荆條爲之駕之以牛

亦知同軌遵王路操木爲輪制不多每載積薪來遠岫



常隨遊牧渡長河荒陂曉日聲鳴犢秋草斜陽影逐駝懷  
葛往來疏禮數里門不叱下車過

骨占

原注俗無卜書笑  
羊骨以占吉凶

維羣三百蠢茲羊朽骨何須灼火揚豈有靈符宣造化聊  
同杯琖測祲祥鳥占無識傳西域雞卜非經說夜郎總是  
遐方書契少金滕誰啓問真藏

兒板

原注蒙古生兒以繩絡背繫板上置之毡廬  
壁間出或載諸駝背又以絮漬牛乳唬即塞

具

生兒阿母應同憐底事韋提束兩肩日永眠來恆曲跽風  
寒噤處任擎拳充饑每使嘗撞酪計口何曾辦稅錢幾度  
周辰駝背載笑他帳外少孤懸

灰簡原注卽粉板

不須緇帙紀微言片簡摩挲肇有元點漆成文風已古韋  
編卒業制猶存諧聲也自傳家塾易字無勞示國門拭去  
新痕仍舊板書堅鐵券詎同論

竹筆原注削竹尖漬墨以書粉板

削竹如毫任意揮松煙滴滴簡端歸可同攜槧供元草未  
許傳經伴絳衣雁塞詳形連復斷蟲書儼古是還非依然  
書契尊卑治寸管文成令似飛

### 吉林土風雜詠

威呼原注刻木爲角大者可容五六人小者二三  
人刻木兩頭爲槩一人持之左右連招捷若  
飛行

長川淼淼往來經受此翩然一葉輕  
剝木尚存淳古制乘風宛似泛槎行  
兩三野渡聞人語迢遞寒江靜櫓聲  
青雀黃龍誰自在小舟容與水雲生

呼蘭

原注因木之中空者鑿使直達截如孤柱樹  
簷前引炕煙出之上覆荆筐而虛其旁竅以

出煙

青雲裊裊傍簷生截柱爲筒比戶均  
引得餘煙潛出地鑿來空木最宜人  
定知虛白居多吉不慮塵汙掃待頻  
炊爨自詣土銕便華胥一枕足安身

賽斐

原注木  
七也

脂玉璽金未解爲家常日食食相宜  
攀來大嚼堪投箸持進加餐足養顏  
雲子白抄翻翠釜彫胡紅瀉粥流匙  
還聞

脫粟頻留客一句香糜共飽時

額林

原注度橫板楣棟間以盛日用器物兼几案匱匱之用

成格橫陳當饋廚精羶器用載來俱休教舉室同懸磬常  
守淳風少破觚架上鱗鋪陶冶雜壁閒狼藉土塵烏取攜  
左右恒無缺持粟何勞遠市圖

拉哈

原注於土壁間綴藤草下垂絲以施巧墁

意本陶風詠索綯綴藤懸草不辭勞土垣有隙殷勤補蓬  
壁無多結構牢入戶蟲蛇知己遁捲簾風雨漫相遭被牆  
文繡胡爲者安樂窩中比孰高

圓津庵和方問亭制軍韻

此來已恨十年遲紺院重輝是幾時蕉雪靜參摩詰畫松

風清入庾公詩久聞比戶崇生佛還向恆沙布大慈車馬  
塵中成小憩長亭回首暑潛移

柏林寺觀吳道子畫水

曾於趙水行經處得圖傳墨浪看原注肆閒  
摹本甚多偶向柏林

問真際自注真際為柏  
林開山祖師忽驚溟海漲香壇乾坤劫歷諸天

護自注自唐至今  
壁畫不剝落文武濤翻六月寒原注水有  
文武二種坐久渾疑

浮寶筏仙風謾謾下雲端

出居庸關

石磴盤旋響澗淙嚴關天險見居庸北通朔漠黃沙闊南

擁神京翠蓋重原注居庸疊翠為  
京都八景之一此日長城空百雉早時

戰地盡三農儒臣奉簡疏簡疏踰路立馬高吟最上峯

宣化道中

重關掠過復重岡入達山名西來障朔方文物久經通絕域  
居民誰與說邊防人傳哨雪城猶在山名記磨簪骨尙香我  
意巡風頻弔古寒沙無際暮雲黃

至喀喇河屯作

虹梁飛控玉波橫路指仙莊咫尺程山勢西來蟠朔漠  
河流南下瀉滄瀛時清郡恃重關險秋爽頻修七校行遙  
望屯前車馬地伏郊多少外藩迎原注薩克諸藩每歲來此地

長安驛

荒雞叫月戌更殘廐馬嘶霜曉氣寒鄉樹依依剛入夢驚

聞人語到長安

元湘音舊集卷第七十九終